

3. gr.

Stjórn Launasjóðs fræðiritahöfunda skal skipuð af menntamálaráðherra til tveggja ára í senn, þannig: Einn fulltrúi tilnefndur af Rannsóknarráði Íslands, einn fulltrúi tilnefndur af Hagþenki, félagi höfunda fræðirita og kennslugagna, og formaður skipaður án tilnefningar. Varamenn skulu skipaðir með sama hætti.

4. gr.

Rannsóknarráð Íslands sér um rekstur og vörslu Launasjóðs fræðiritahöfunda í umboði stjórnar sjóðsins, sbr. 2. mgr. 16. gr. laga nr. 61/1994 um Rannsóknarráð Íslands.

5. gr.

Rétt til að sækja um starfslaun úr sjóðnum hafa höfundar alþýðlegra fræðirita, handbóka, orðabóka og viðamikils upplýsingaefnis á íslensku í ýmsu formi.

6. gr.

Stjórnin úthlutar árlega starfslaunum úr sjóðnum. Starfslaun skulu veitt til hálfis árs eða eins árs, til tveggja ára eða þriggja.

Starfslaun skulu miðast við lektorslaun II við Háskóla Íslands eins og þau eru á hverjum tíma. Þau sem taka starfslaun skulu vera á skrá hjá stjórninni og frá greidd starfslaun mánaðarlega að viðbættu 6% álagi. Þau skulu eiga aðild að Söfnunarsjóði lífeyrisréttinda. Þau skulu ekki gegna föstu starfi meðan á starfslaunatímanum stendur. Starfslaunaþegar skulu skila skýrslu um störf sín á starfslaunatímanum eigi síðar en ári eftir að honum lýkur. Stjórn sjóðsins má fella niður starfslaun sem veitt eru til lengri tíma en sex mánaða ef talið er að viðkomandi fræðimaður hafi ekki sinnt fræðistörfum sínum.

7. gr.

Stjórn Launasjóðs fræðiritahöfunda setur nánari reglur um úthlutun úr sjóðnum, sem lagðar skulu fyrir menntamálaráðherra til staðfestingar.

8. gr.

Reglur þessar öðlast þegar gildi.

Menntamálaráðuneytinu, 12. apríl 1999.

Björn Bjarnason.

Guðríður Sigurðardóttir.

REGLUGERÐ

um breytingu á reglugerð nr. 274/1998, um Byggðastofnun.

1. gr.

2. mgr. 19. gr. reglugerðarinnar hljóði svo:

Til að stuðla að stofnun nýrra fyrirtækja getur Byggðastofnun veitt aðstoð og ráðgjöf við undirbúning, svo og veitt ábyrgðir og óafturkræf framlög. Almennt séð skal fjárhagsleg fyrirgreiðsla Byggðastofnunar miðast við að stofnunin sé ekki sjálf beinn þátttakandi í atvinnurekstri. Þó er stofnuninni heimilt að taka þátt í félagi með allt að 30% hlutfjárframlagi ef ríkar ástæður eru til að mati stjórnar stofnunarinnar. Byggðastofnun er

þó ávallt heimilt að taka þátt í félagi með hlutfjárframlagi eða öðrum stofnframlögum, sem eigandi, ef um er að ræða eignarhalds-, fjárfestingar- eða þróunarfélag, þ.m.t. atvinnuþróunarfélög, sbr. 10. gr. laga nr. 64/1985, um Byggðastofnun, sbr. 3. gr. laga nr. 39/1991.

2. gr.

2. málsl. 20. gr. reglugerðarinnar hljóði svo:

Skilyrði slíkrar aðildar er að fagfjórðing, fyrirtæki í einkaeigu og einstaklingar eigi a.m.k. 10% hlutfjár í slíkum félögum.

3. gr.

Reglugerð þessi, sem sett er með stoð í 24. gr. laga nr. 64/1985, sbr. 3.-4. gr. laga nr. 39/1991, öðlast gildi við birtingu.

Forsætisráðuneytinu, 13. apríl 1999.

Davíð Oddsson.

Ólafur Davíðsson.

REGLUGERÐ

um íslensk vegabréf.

I. KAFLI

Vegabréfaskylda.

1. gr.

Við brottför úr landi og komu til landsins er íslenskum ríkisborgurum heimilt að fara beint til og koma beint frá Danmörku, Finnlandi, Noregi og Svíþjóð án þess að hafa í höndum vegabréf eða annað ferðaskilríki.

Í öðrum tilvikum skulu íslenskir ríkisborgarar hafa vegabréf er þeir fara úr landi og koma til landsins.

Þegar sérstaklega stendur á getur Útlendingaeftirlitið heimilað komu til landsins og för úr landi enda þótt hlutaðeigandi geti ekki gert grein fyrir sér með vegabréfi.

2. gr.

Brottför úr landi og koma til landsins er aðeins heimil um staði sem dómsmálaráðherra hefur ákveðið með auglýsingu, nema sérstaklega standi á og Útlendingaeftirlitið eða hlutaðeigandi lögreglustjóri leyfi.

II. KAFLI

Flokkar, gerð, form og efni vegabréfa.

3. gr.

Vegabréf skiptast í sex flokka:

- a. Almenn vegabréf.
- b. Diplómatísk vegabréf.
- c. Þjónustuvegabréf.
- d. Ferðaskilríki fyrir flóttamenn.
- e. Vegabréf fyrir útlendinga.
- f. Vegabréf til bráðabirgða (neyðarvegabréf).